

Jon Yininkan Kumwimp Pas Mekia Akwapnámp Kar

Jono náráp nouroup Gaiusomp por má má pas má kumwia sámp-kérépámp on. Mao te námokuráp e érik sér mono, párák ‘Sios taokeyak konámp arop’rá sénámp on. Gaius te ankwap Kristen fárákapan yaewour i konámpantá, man warákár konámp on. Tá mao Gaiusén ankwap kar sérrá, “Amo ankár Diotrefesomp kwatae ninik fwapia mérampo’rá sénámp on.

¹ Onomp nánae Gaius e! Ono sios taokeyak konampao má pas má kumwiaka amonapok kérép rae. Ono waeman kare kar amwan warákár kare nampon.

² Onomp nouroup kwapwe e! Ono wae mér nampon: Waráp waemp te waeman kwapwe kare yak námpara, amo nkwakwe make tére nap ponankor kwapwe kare nánko, amokuráp pourou kareaok kor yae-párák yakanoria nampon.

³ Wokwaek arop ankwap fárákapaok koroepa onan nkea, ‘Amo te Kwaromp kar kareaok saráp yárák i konapono’rá sénapo, ono am kar wawia warákára wae nampon. Kare karonok, ono wae mér nampon: Amo te kare kar karaok saráp yárák i konapon.

⁴ Onomp tárápuaok Kwaromp kar wawiaok mántwaok paokop napan, ono am kar wanamp ke fek te warákár tokwae konampono. Mámá

warákár tokwae te, ankwap ankankan warákár konampan kámákár akwap námpon. ✧

Gaiuso kwapwe kare térenámp kar

⁵ Onomp nouroup kwapwe e! Amo waráp ankwapyaenápén yaewourrá tére nap te, yae-párák kare tére napon. Tá amo panekamp ankwapyaé fárákapan kor takrá yaewour napon. ✧

⁶ Am mekamp arop ankwap fárákapaó koropea mapekamp sios mekamp koumteouráp aropan waráp nourouprá yaewour i konap niníkan sénaponó. Amo fwap Kwaromp niníkaok nap kwamp te, am arop paneknámp Kwaromp kar koropá farákápea tukup napo te mwaeao k mank, am fárákapan fir yaewour nap, am te kwapwe karenono. ✧

⁷ Am te apaeria, am arop Jisasomp kar farákáprá paokop nap fek te, Kwarén mér monap arop fárákapamp yaekamp ankank sámp mo i konaponó. ✧

⁸ Nomo Kwaromp kar farákáprá paokopnap arop fákáreran yaewour námp te kare kar karan térenap yaewourrá éné nki tére námpon. ✧

Diotrefes ntia Demitrius

⁹ Ono kar ankwap wae yiráp siosompor kumwi nampan maok, Diotrefeso yiráp am sios námoku taokeyak naeri námp kwamp, námokuráp niníkaokria yinomp kar wa mo námpono. ✧

¹⁰ Aenámpantá nánkár ono yumonapok korop namp kwamp te, mao kwatae tére námp am érik farákáp nanampon. Mao yinan nkwakwe

✧ **1:4:** 1 Ko 4:14-15 ✧ **1:5:** Ro 12:13 ✧ **1:6:** Ap 15:3 ✧ **1:7:** Ap 20:33,35 ✧ **1:8:** Hi 13:2 ✧ **1:9:** Mt 20:27

make kar kwatae sérarrá yárák námpono. Am táman saráp mono. Arop Kwaromp kar farákáp mwaria korop napo, náráp nap mek éréképá akwap mo, tá arop ankwap fárákapao námokuráp nap mek éréképá tukup mwaria napo kor, monoriaka táarakwampriaka waráp sios mek youmpantá yéréperá kérép i konámpono.

¹¹ Onomp nouroup kwapwe e! Amo te takeniamp kwatae ninikaok yáraki kwapono. Amo ankár kwapwe kare ninikaok saráp yárákampo. Arop kwapwe kare ninik fek yárák námp te, mao te Kwaromp aropono. Aeno arop kwatae ninik fek yárák námp te, mao te oukoumwan Kwarén nke moria námpon.

¹² Arop ponankor te Demitriusomp ninikan érik farákáprá sér i konapon. Tá Kwaromp kare kar karao kor maomp kwapwe kare ninik érik sénámpon. Tá ono kor maomp kwapwe kare ninikan érik farákarrá sénamp te, ono waeman kare kar sénamp yumo wae mérapono.

Ankwap kar kánanke

¹³ Ono amwan kápaé kare kar sénaeria nampan maok, wampweria pepa fek kumwi mo nampon.

¹⁴ Onomp ninik te, ono kareao koupour amonapok koropeaka nomo énénkér tankrá kar sénenempon.

¹⁵ Waráp ninik te sánánkar porokwe fek yak kuno. Waráp nouroup fárákapao amwan ‘Gude’rá sénapon. Amo kor onomp ‘Gude’rá sénamp kar má onomp nouroup arop fárákapan sérarampo.

Kwaromp Kwapwe Kare Kar
The New Testament in the Karkar-Yuri Language of
Papua New Guinea
Nupela Testamen long tokples Karkar-Yuri long
Niugini

Copyright © 1994 Wycliffe Bible Translators, Inc.

Language: Karkar-Yuri

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 18 Apr 2025 from source files dated 31 Aug 2023

7103f8db-88c2-5fec-8ac4-0edfac04e885